

謝宣城集

《四部備要》

集部

上海中華書局據拜經樓

本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

版權所有 不許翻印

序

南齊吏部郎謝朓長五言詩其在宣城所賦藻績尤精故李太白詠澄江之句而思其人杜少陵亦曰詩接謝宣城也余至郡視事之暇哀取郡舍石刻并宣城集所載謝詩纔得二十餘首繼得蔣公之奇所集小謝詩以昭亭廟壘嶂樓綺霞閣所刻及文選玉臺新詠本集所有合成一編共五十八篇自謂備矣然小謝自有全集十卷但世所罕傳如宋海陵王墓誌集中有之而筆談乃曰此銘集中不載蓋雖存中之博亦未之見也而余家舊藏本偶有之考其上五卷賦與樂章之外詩乃百有二首而唱和聯句他人所附見者不與焉以是知蔣公所謂本集者非全集矣於是屬之僚士參校謬誤雖是正已多而有無他本可證者故猶有闕文鈔版傳之目曰謝宣城詩集其下五卷則皆當時應用之文衰世之事其可采者已載於本傳文選餘視詩劣焉無傳可也遂置之紹興丁丑秋七月朔東陽婁炤題

本傳 蕭子顯南齊書

謝朓字元暉陳郡陽夏人也祖述吳興太守父緯散騎侍郎朓少好學有美名文章清麗解褐豫章王太尉行參軍歷隨王東中郎府轉王儉衛軍東閣祭酒太子舍人隨王鎮西功曹轉文學子隆在荊州好辭賦數集僚友朓以文才尤被賞愛流連晤對不捨日夕長史王秀之以朓年少相動密以啓世祖敕曰侍讀虞雲自宜恆應侍接朓可還都按南史曰秀之以朓年少相動密以啓世祖敕曰侍讀虞雲自宜恆應侍接朓可還都曰嘗恐鷹隼擊秋菊委嚴霜寄言嚴羅者寥廓已高翔遷新安王中軍記室朓牋辭子隆曰朓聞潢汙之水思朝宗而每竭驚蹇之乘希沃若而中疲何則皋壤搖落對之惆悵歧路東西或以鳴悵況乃服義徒擁歸志莫從龜若墜雨飄似秋蒂朓實庸流行能無算屬天地休明山川受納褒采一介搜揚小善捨棄場圃奉筆免園東泛三江西浮七澤契闊戎旃從容讌語長裾日曳後乘載脂榮立府廷恩加顏色沐髮晞陽未測涯涘撫臆論報早誓肌骨不悟滄溟未運波臣自蕩渤澥方春旅翮先謝清切蕃房寂寥舊華輕舟反泝弔影獨留白雲在天龍門不見去德滋永思德滋深惟待青江可望候歸艗于春渚朱邸方開効蓮心于秋實如其簪履或存衽席無改雖復身填溝壑猶望妻子知歸攬涕告辭悲來橫集南史曰時荆州信去倚待朓執筆便成文無點易尋以本官兼尚書殿中郎隆昌初敕朓接北使朓自以口訥啓讓不當見許高宗輔政以朓爲驃

謝宣城詩集 本傳

騎諮議領記室掌府文筆又掌中書詔誥除祕書丞未拜南史無仍轉中書郎出爲宣城太守以選復爲中書郎建武四年南史無出爲宣城太守以晉安王鎮北諮議南東海太守行南徐州事啓王敬則反謀上甚嘉賞之遷尚書吏部郎朓上表三讓中書疑朓官未及讓以問祭酒沈約約曰宋元嘉中范蔚宗讓吏部朱脩之讓黃門蔡興宗讓中書竝三表詔答具事宛然近世小官不讓遂成恆俗恐此有乖讓意王藍田劉安西竝貴初不自讓今豈可慕此不讓邪孫興公孔顗竝讓記室今豈可三署皆讓邪謝吏部今授超階讓別有意豈關官之大小焉讓之笑本出人情若大官必讓便與諸闕章表不異例既如此都自非疑朓又啓讓上優答不許朓善艸隸長五言詩沈約常云二百年來無此詩也敬皇后遷祔山陵朓撰哀冊文齊世莫有及者東昏失德江祏欲立江夏王寶元末更回感與弟祀密謂朓曰江夏年少輕脫不堪負荷神器不可復行廢立始安年長入纂不乖物望非以此要富貴政是求安國家耳遙光又遣親人劉渢密致意于朓欲以爲肺腑朓自以受恩高宗非渢所言不肖答少日遙光以朓兼知衛尉事朓懼見引卽以祏等謀告左興威劉暄南史曰暄又說劉暄面則劉渢劉渢居今地但欲出就暄人爾因言有一時呼左右取紙而便便停宿問其故曰定復不急祏以爲輕帶二江及雙旆以嘲弄之祏轉暴不覺至是構付廷尉與盛不敢發言祏聞以告

遙光遙光大怒乃稱敕召朏仍回車付廷尉與徐
孝嗣拓暄等連名啓誅朏曰謝朏資性險薄大彰
遠近王敬則往構凶逆微有誠効自爾昇擢超越
倫伍而谿壑無厭著于觸事比遂扇動內外處處
姦說妄貶乘輿竊論宮禁間謗親賢輕議朝宰醜
言異計非可具聞無君之心既著共棄之誅宜及
臣等參議宜下北里肅正刑書詔公等啓事如此
朏資性輕險久彰物議直以彫蟲薄伎見齒衣冠
昔在渚宮構扇藩邸日夜從諛仰窺俯畫及還京
師翻自宣露江漢無波以爲己功素論于茲而盡
縉紳所以側目去夏之事頗有微誠賞擢曲加踰
邁倫序感悅未聞陵競彌著遂復矯構風塵妄惑
朱紫詆貶朝政疑間親賢巧言利口見醜前志涓
流纖孽作戒遠圖宜有少正之刑以申去害之義
便可收付廷尉肅明國典又使御史中丞范岫奏
收朏下獄死時年三十六南史曰臨終謂門賓曰
史亦不初朏告王敬則反敬則女爲朏妻常懷刀
得見及
欲報朏朏不敢相見及爲吏部郎沈昭略謂朏曰
南史曰及書拜吏部郎議曰卿人地之美無忝此職
但恨今日刑於寡妻南史曰卿人地之美無忝此職
朏臨敗歎曰我不殺王公由我而死南史曰
而數日天誅其不可誅王公由我而死
高孔珪嘗曰仲讓才不可誅王公由我而死
得帝論其奸善如
武帝崩太子始
武主適張宏策子策贈主又以與王帝志
欲更恨爲書狀如詩贈主又以與王帝志

婦終不得還尋用謀爲信安縣稍遷王府
諮議時以爲沈約早與朏善爲制此書云

謝宣城詩集目錄

卷第一

賦

酬德賦并序

思歸賦并序

七夕賦奉勅王命作

高松賦奉勅王命作

杜若賦奉勅王命作

野鷺賦并序

遊後園賦奉勅王命作

臨楚江賦

擬宋玉風賦奉勅王命作

樂歌

零祭歌建武二年明堂辭

四言詩

侍宴華光殿曲水奉敕爲皇太子作

三日侍宴曲水代人應詔

三日侍宴曲水代人應詔

卷第二

鼓吹曲

元會曲

郊祀曲

鈞天曲

入朝曲

出藩曲

校獵曲

從戎曲

送遠曲

登山曲

泛水曲

同沈右率諸公賦鼓吹曲名先成爲次

芳樹

沈右率詩

當對酒

范通直雲

臨高臺

眺時爲隨王文學

巫山高

王尹丞賦

劉中書錄

有所思

同前再賦

芳樹

同前

臨高臺

有所思

巫山高

同前

同賦雜曲各

陽春曲

淶水曲

採菱曲

秋竹曲

白雪曲

永明樂

第一

第三

第五

第七

第九

玉階怨

王孫遊

江上曲

同謝諮議詠銅爵臺

卷第三

五言詩

檀秀才

江朝請

陶功曹

眺時爲宣城守

朱孝廉

第二

第四

第六

第八

第十

金谷聚

銅爵悲

曲池之水

將發石頭上烽火樓

荅王世子

荅張齊興

酬王晉安

暫使下都夜發新林至京邑贈西府同僚

始出尚書省

直中書省

觀朝雨

新亭渚別范零陵

之宣城郡出新林浦向板橋

始之宣城郡

宣城郡內登望

冬日晚郡事隙

後齋迴望

落日悵望

望三湖

遊山

賽敬亭山廟喜雨

祀敬亭山廟

遊敬亭山

賦貧民田

與江水曹至濱于戲

送江水曹還遠館

送江兵曹檀主簿朱孝廉還上國

臨溪送別

將遊湘水尋句溪

忝役湘州與宣城吏民別

休沐重還丹陽道中

移病還園示親屬

出下館

遊東田

秋夜講解

秋夜

春思

治宅

冬緒羈懷示蕭諮議虞田曹劉江二常侍

懷故人

夜聽伎二首

京路夜發

晚登三山還望京邑

高齋視事

卷第四

郡內高齋閑望荅呂法曹

呂僧珍為齊王法曹

直石頭

蕭衍

和蕭中庶直石頭

經劉徽墓下

隨郡王蕭子隆

登山望雷居士精舍同沈右衛過劉先生

墓下作

并序

竟陵王蕭子良

奉和

虞炎

奉和

柳惲

奉和

沈約

奉和竟陵王同沈右率過劉先生墓

離夜

江丞

同前

王常侍

同前

沈右率

餞謝文學

虞別駕

同前

范通直

同前

王中書

同前

蕭記室

同前

劉中書

和別沈右率諸君

臥疾敘意

王秀之

和王長史臥病

行園

沈約

和沈祭酒行園

北戍琅邪城

江孝嗣

和江丞北戍琅邪城

昧旦出新亭渚

徐勉

和徐都曹出新亭渚

入琵琶峽望積布磯

劉繪

和

在郡臥病呈沈尚書

荅謝宣城

沈約

和何議曹郊遊二首

和劉西曹望海臺

和王中丞聞琴

和伏武昌登孫權故城

夏始和劉孱陵

和宋記室省中

和王著作八公山

和王主簿季哲怨情

贈王主簿二首

同王主簿有所思

落日同何儀曹

和紀參軍服散得益

新治北窗和何從事

同羈夜集

卷第五

奉和隨王殿下

其一

其二

其三

其四

其五

其六

其七

其八

其九

其十

十一

十二

十三

十四

十五

十六

詠風

詠竹

詠薔薇

詠蒲

詠兔絲

詠落梅

遊東堂詠桐

詠牆北梔子

同詠樂器

琵琶

王融

箏

沈約

琴

同詠坐上器玩

竹欝榔盤

沈約

烏皮隱几

同詠坐上所見一物

幔

王融

簾

虞炎

席

柳惔

同前

詠竹火籠

沈約

同前

詠鏡臺

詠燈

詠燭

詠邯鄲故才人嫁爲廐養卒婦

詠溪藕

聯句

阻雪

還塗臨渚

紀功曹中園

閑坐

侍筵西堂落日望鄉

祀敬亭山春雨

往敬亭路中

謝宣城詩集卷第一

酬德賦并序

右衛沈侯以冠世偉才眷予以國士以建武二年
子將南牧見贈五言予時病既以不堪莅職又不
獲復詩四年予忝役朱方又致一首追東偏寇亂
賈無暇日其夏還京師且事讌言未遑篇章之思
沈侯之麗藻天逸固難以報章且欲申之賦頌得
盡體物之旨詩不云乎無言不酬無德不報言既
未敢爲酬然所報者寡於德耳故稱之酬德賦其
辭曰

悲夫四游之代序六龍驚而不息輕蓋靡於駿奔
玉衡勞於拊翼嗟歲晏之勤歡曾陰默以悽惻元
武伏於重介宛虹潛以自匿覽其物之用舍相羣
芳之動植吊悴軀於華省理衣簪而自敕思披文
而信道散奮邁於胸臆嗟民生之知用知莫深於
知己彼知己之爲深信懷之其何已牽弱葛之蔓
延寄陵風於松杞指曲蓬之直達固有憑於原臬
彼排虛與蹠實又相鳴於林沚興伐木於友生詠
承筐於君子矧景行之在斯方寄言於同取求相
仁於積習寓神心於名理惟敦牂之旅歲實興齊
之二六奉武運之方昌觀休風之未淑龍樓儼而
洞開梁邸煥其重複君奉筆於帝儲我曳裾於皇
穆藉風雲之化景申遊好於蘭菊結德音而爲佩
帶芳猷而爲服援雅範以自綏懿前脩之所勗昔
仲宣之發穎實中郎之倒屣及士衡之籍甚託壯
武之高義有杞梓之貞心協丹采之輝被伊吾人

之陋薄雖黼藻之何實惟風雅之未變知雲網之
不廓譬曾棟之將傾必華榱之先落翳明離以上
賓屬傳體於纖尊周二輝而分崩擠九鼎於重壑
雖魚鳥之欲安駭風川而迴薄微天道之布新嗟
員首其焉託予窘迹以多塊塊離尤而獨處君紆
組於各邦貽話言於洲渚悵分手於東津望徂舟
而延佇慮古今之爲隔豈山川之云阻賴先德之
龍興奉英靈之電舉事紫泥之密勿腰青綬而容
與沾後惠以竭來竟卒獲其笑語我艤舟以命徒
將汨徂於南夏既勗予以炯戒又引之以風雅若
笙簧之在聽雖舒憂而可假昔店病於漳濱思繼
歌而莫寫恩靈降之未已奉京粉而作傳臨邦途
之永陌懷余馬於騏驎望平津而出宿登崇岡而
興賦顧飛憶之南迴引行鑣而東驅何瓌才之博
侈申贈辭於萱樹指代匠而切偲比治素而引喻
方含毫而報章迫紛埃之東驚釋末位以言歸忽
乘駟以南赴連篇章之莫訓欲寄言於往句類鍛
翻之難矯似洞源之不注意搔搔以杆袖魂營營
而馳驚爾腰戟於戎禁我拂劍於郎闈願同車以
日夜城望昏而掩扉時遊盤以未極睽落景之徂
輝苦清顏之倏忽客歡賞之多違排重關而休告
知南館之有依驂職門以右轉僕望路其如歸忘
清漏之不緩惜曉露之方晞聞夫君之東守地隱
蓄而懷仙登金華以問道得石室之名篇悟寰中
之迫脅欲輕舉而舍旃離寵辱於毀譽去天伐於
腥羶忽攜手以上征躋中皇之脩迥巾帝車之廣

試棹河舟之輕艇歷星街之燿燿浮天潢之瀲灩
機九轉於玉漿練七明於神鼎吹萬化而不喧度
千春之可並齊天地於倏忽安事人間之紆綽哉

思歸賦并序

夫鑒之積也無厚而納窮神之照心之徑也有域
而懷重淵之深余少而薄遊身防方思俄然
萬里晚自省諒非一塗何則此後關

余菲薄以固陋受恩靈而不訾拖銀黃之沃若剖
金符之陸離舟未濟而河廣塗方遙而馬疲忽中
寢而念厲魂申旦而九移昔受教於君子逢知己
之隆聘被名立之羽儀沾宦成之藻綯羗服義而
不怠豈臨岐而渝依何改輸變勢方迅於轉圓理好
旋於奔電援弱葛而能升踐重岡而不眩信禔福
之非己寧悔禍其如見大明廓以高臨吹萬忻而
同悅跨神皋之沃衍奉英藩之睿智近刻作睿計案
哲如通書之誓或疑可議承比屋之隆化踵芳
塵之餘烈懷齷齪之福心無夸毗之誕節竟伊鬱
而不怡賴遐討於先哲紛吾生之遊蕩彌一紀而
歷茲自下車於江海涉青春於是時瞻崇岡而引
領望大夏而長思雖曲街之委陋猶寤寐而見之
况神交而通夢眇河漢於佳期爾乃眷言薄暮南
眺悠然將整歸轡願受一廬考華城之直陌相洛
浦之迴阡連飛甍於故友接閑館以懷仙臨南場
以藝藿寄北池而採蓮睇微莖之羅羅望水葉之
田田乃翦山木不日爲功非輪非奐去斷去響夜
索綯而繞繞旦乘屋而芄芄竹櫺踰區而經北繩

閉窈窕以臨東布茵蕭於疎檮織茱萸於迴櫳於
是籬插芳櫺門拂長楊園桃春發窗竹夏涼晨露
晞而草馥微風起而樹香無芬菲以襲予空旖旎
於都房恆離居以歲月庸銷落而徒傷我聞時命
有殖無遷徵事或在求理未甄譬豐草之區別隨
霜露而天延背萱鮮於堂北尙幽幽而未捐荷外
物以能感亦在應而無驚况朝霞之采可嚙瓊扉
之飾方宣養以虛白之氣悟以無生之篇豈加璧
之贈可動執珪之位能纏歸來薄暮聊以永年

七夕賦王命作

金祇司矩火曜方流素鍾登御夷律鳴秋朱光既
夕涼雲始浮盈多露之靄靄升明月之悠悠步廣
階而延踈屬天媛之淹留嗟斯靈之淑景招好仇
於服箱邁姮娥而擢質凌瑤華而擅芳厭白玉以
爲飾霏丹霞而爲裳迴龍駕之容裔亂鳳篋之淒
淒騰燭光於西極命二妃於瀟湘載帝車而捐珉
凌天津而上翔悵漢渚之夕漲忻河廣之既梁臨
瑤席而宴語綿含睇而蛾揚嗟蘭夜之難永泣會
促而怨長忌纖阿之方駕客長庚之末光撫鳴琴
而脩况近刻浩安歌而自傷歌曰清絃愴兮桂觴
酬雲幄靜兮香風浮龍鑣蹀兮玉鸞整睇星河今
不可留分雙袂之一斷何四氣之可周斯乃嚮像
恍惚彷彿幽暖耳之無聞目之無續故鍾鼓聞而
延子隱白日沈而季后對豈形器之所求亦理將
其如昧君王壯思風飛冲情雲上顧楚詩而縱轡
瞻蘭書而競爽實研精之多暇聊餘日之駘蕩賦

幽靈以去惑排視聽而元往晒陽雲於荆夢賦洛篇於陳想乃澄心而閑邪庶綢繆於茲賞

高松賦

奉王教

閱品物於幽記訪叢育於秘經巡汎林之珍望識斯松之最靈提於巖以羣茂臨於水而宗生豈榆柳之比性指冥椿而等齡若夫脩幹垂陰喬柯飛穎望肅肅而既閑即微微而方靜懷風音而送聲當月露而留影既芊眠於廣隰亦迢遞於孤嶺集九仙之羽儀棲五鳳之光景固松木之爲選貫山川而自永爾乃青春受謝雲物含明江皋綠草暖然已平紛弱葉而凝照競新藻而抽英陵翠山而如剪施懸蘿而共輕至於星迴窮紀沙厲相飛同雲映其無色陽光沈而滅暉卷風颭之吸歛積霰雪之嚴霏豈彫貞於歲暮不受令於霜威若乃體同器制質兼上才夏書稱其岱畎周篇咏其徂徠乃屈己以宏用構大壯於雲臺幸爲玩於君子留神心而顧懷君王乃徙譙蘭室解珮明椒寧幽蘭於夕陰詠聳幹於琴朝陵高邱以致思御風景而逍遙夷徽冕之隆貴懷汾陽之寂寥邈道勝於千嶺蘊神理而自超夫江海之爲大實涓澮之所歸瞻衡恆之峻極不讓壤於塵微嗟孤陋之無取幸聞道於清微理弱羽於九萬愧不能今奮飛

杜若賦

奉王教

憑瑤圃而宣游臨水木而延佇柳含色於遠岸泉鏡流於枉渚蔭綠竹以淹留藉幽蘭而容與覽茲榮之悅茂紛爲芳於清蘊觀夫結根擢色發曜垂

英緣春巒以織布蔭涼潭而影清景奕奕以四照枝靡靡而葉傾冒霜蹊以獨荷當春郊而逕平寧汀洲以企予懷石泉於幽情嗟中巖之纖草廁金芝於芳叢夕舒榮於潏露旦發彩於春風承羲陽之光景庶無悲於轉蓬

野鷺賦

并序

有門人斃一野鷺因以爲獻子時命以登俎用待賓客客有愛其羽毛請予爲賦其詞曰夫何羅人之伎巧薦江海之逸禽落摩天之迅羽絕歸飛之好音碎文錦之丹臆裂雕綺之翠衿孤雛驚以靡翼羈雌叫而莫尋越滄流以遠致乃交質以兼金因閤寺以傳請排窰戶以重深貴敷社以取愛願登俎以甘心

遊後園賦

奉王教

積芳兮選木幽蘭兮翠竹上蕪蕪以蔭景下田田今被谷左蕙晚今彌望右芝原今寫目山霞起而削成水積明以經復於是微風聞之藹藹聳雲館之茗茗周步欄以升降對玉堂之次寥追夏德之方暮望秋清之始颭藉宴私而遊衍時晤語而逍遙爾乃日棲榆柳霞照夕陽孤蟬以散去鳥成行惠氣湛兮帷殿肅清陰起兮池館涼陳象設兮以玉填粉蘭藉兮咀桂漿仰微塵兮美無度奉英軌兮式如璋藉高文兮清談預含毫兮握芳則觀海兮爲富乃游聖兮知方

臨楚江賦

爰自山南薄暮江潭滔滔積水裏裏霜風憂與憂

今竟無際客之行今歲已嚴爾乃雲沈四岫風蕩
中川馳波鬱素駭浪浮天明沙宿莽石路相懸於
是霧隱行鴈霜眇虛林迢迢落景萬里生陰冽橫
笳今極浦弭蘭鵠今江潯奉玉鱗之未暮食勝
之芳音願希光今秋月庶永照於遺簪

擬宋玉風賦奉司徒

起日域而搖落集桂宮而送清開翠帳之影藹響
行珮之輕鳴揚淮南之妙舞發齊后之妍聲下鴻
池而蓮散上爵臺而雲生至於新虹明歲高月照
秋睟儀迺豫冲想雲浮鄒馬之賓咸至申穆之醴
已酬朝役登樓之詠夕引小山之謳厭朱邱之沈
遠思輕舉而遠游驪驪之馬魚躍飄鑿車而水流
此乃宋玉近刻之盛風也若夫子雲寂寞冥叔夜
高張煙霞潤色荃蕙結芳出澗幽而泉冽入山戶
而松涼眇神王於邱壑獨超遠於孤觴斯則幽人
之風也

樂歌

雲祭歌建武二年

清明暢禮樂新候龍景選貞辰
陽律亢陰晷伏耕下土薦種桂
宸儀警王度宣瞻雲漢望旻天
張盛樂奏雲儺集五精延帝祖
雲有諷榮有秩拒鬯芬圭瓚茲
靈之來帝闈開車煜燿吹徘徊
停龍轡徧觀此凍雨飛祥雲靡
壇可臨奠可歆對吐社鑒皇心

右迎神歌八章章四句句三言

濬哲維祖長發其武帝出自震重光御寓七德攸
宣九疇咸敘靜難荆衡凝威蠡浦

昧且不承夕惕刑政化一車書德馨藥盛昭星夜

景非雲曉慶衢室成陰璧水如鏡

禮充玉帛樂被匏絃於鑠在詠陟配于天自宮徂

光靡愛牲牲我將我享永祚豐年

右世祖武帝歌三章章八句句四言

營翼日鳥殷宵凝冰泮玄蟄昭

景陽陽風習習女夷歌東皇集

奠春酒秉青珪命田祖渥羣黎

右青帝歌三章章四句句三言

惟此夏德德恢台兩龍在御炎精來

火景方中南譌秩靡草云黃含桃實

族雲翳鬱溫風煽興雨祁祁黍苗遍

右赤帝歌三章章二句句七言

稟火自高明毓金挺剛克涼燠資成化羣方載厚

德

陽季句萌達炎徂溽暑融商暮百工止歲極凌陰

冲

泉流疏已清原隰遠而一作甸平咸言祚惟億敦民

保高京

右黃帝歌三章章四句句五言

帝說于兌執矩固司藏百川收潦精景應金方

嘉樹離披榆關命賓鳥夜月如霜金風方嫋嫋

商陰肅殺萬寶咸亦道勞哉望歲場功冀可收

右白帝歌三章章二句句九言

白日短元夜深招搖轉移太陰霜鍾鳴冥陵起星迴天月窮紀

聽嚴風來不息望元雲黝無色曾氷裂積羽幽飛雪至天山側

關梁閉方不巡合國吹響蜡賓統微陽究終始百禮洽萬祚臻

右黑帝歌三章章四句句六言

敬如在禮將周神之駕不少留

躍龍鑣轉金蓋紛上馳雲之外

警七曜詔八神排闥闔渡天津

有滄輿膚寸積雨冥冥又終夕

俾棲糧惟萬箱皇情暢景命昌

右送神歌五章章四句句三言

四言詩

侍宴華光殿曲水奉敕爲皇太子作

旁求邃古邈聽鴻名大寶曰位得一爲貞朱紱叶

祉綠字摘英升配同貫進讓殊聲

大橫將屬會昌已命國步中阻宸居膺慶重劔先

傳龜玉增映宗堯有緒復禹無競

禮行郊社人神受職寶效山川鱗羽變色元塞北

靡丹徵南極浮羣駕風飛非一作泳登非一作陟

能官民秀利建天附梏羈列野營降分區論思帝

則獻納宸樞麟趾方一作定羈翼誰濡

西京藹藹東都濟濟秋被濯流春襍浮醴初吉云

獻上除方啓昔駕陽頻一作今帳雲陞

嘉樂舊矣方宴在斯載留神矚有睟天儀龍精已

映威仰未移葉依黃鳥花落春池

高殿弘敞禁林稠密青嶝崛超丹樓間出翠葆隨

風金戈動日惆悵清管徘徊輕伶

霸漣入筵河淇流昨海若一作來往觴肴泝歡

飫終日一作有清光欲暮輕貂一作回道一作華組

徐步

登賢博望獻一作賦清漳漢貳稱敏魏兩垂芳監

撫有則七鬯無方瞻言守器永魄元良

三日侍華光殿曲水宴代人應詔

羣分未辯類聚茲式天睭休明且求至德御繁實

簡制動惟默官府百王衣裳萬國

中葉遭閔副內多違悠悠靈脫爰有適歸於昭睿

后撫運天飛凝居中縣神動外畿

縣象著明離光乃位我有儲德微猷淵備長壽察

書龍樓迴轡重道上庠行遵儒肆

朝陽有幹布葉萋萋思皇威矣鸞羽高棲出馳先

輅入秉介珪瞻素望并建魯分奎

求賢每勞得士方逸有覺斯順無文咸秩萬箱惟

重百緩載邱屈草戒諛諧冀紀日

文教已肅武節既馳榮光可照合璧如規載懷姑

射尙想瑤池濯龍乃飾天淵在斯

作樂順動實符時義上春初吉亦留淵寄紅樹巖

舒青莎一作水被雕梁虹拖雲蠶鳥跂

高縣甲帳周塞黼帷長筵列陛激水旋墀浮醪聚

蟻靈蔡呈姿河宗躍踢海介夔跼

弱腕纖腰遷延妙舞秦箏趙瑟殷勤促柱降席連
綏稱觴接武稽首萬年獻茲多祜
天地既成泉流既清薄暮沾幸屬奉文明將標齊
配刻掃秦京願馳龍漠飲馬縣旌

三日侍宴曲水代人應詔

神理內寂機象外融遺情汾水垂冕鴻宮樹以司
牧匪我求蒙徒勤日用誰契元功
往晦必明來碩資蹇於皇克聖時乘御辯寶曆載
暉瑤光重踐昭昭舊物熙熙遷善
當亡日吳求衣未明抵璧焚翠銷劍墮城九疇式
序三辟再清虞箴罔闕矇奏傳聲
麗景則春儀方在震重聖積厚金式瓊潤天爵必
諧王臣咸蓋譬諸華霍惟邦之鎮
正朔蔥瀚冠冕邛越爭長明堂相趨魏闕龜象南
薦環裘西發巢閣易窺馴庭難賊
上已惟昔于彼禊流祓穢河澣張樂春疇既停龍
駕亦汎鳧舟靈宮備矣無待茲遊
初駕命曉朝霞一作華開夜飾陞導源迴伊流灞極
望天淵曲阻諒樹閑館嚴敞長廊水架
金觴搖蕩玉俎推移筵浮水豹席擾雲螭寥亮琴
瑟噉咷墳笳歡茲廣讌穆是天儀
周道如砥康衢載直徒媿元黃負恩無力華轡徒
駕長纓未飾相彼失晨寧忘鼓翼

謝宣城詩集卷第二

鼓吹曲

元會曲

二儀啓昌歷三陽應慶期珪瓊紛成序緹譯懷來
思分階艷組練充庭羅翠旗觴流白日下吹溢景
雲滋天儀穆藻殿萬宇壽皇基

郊祀曲

六宗禋配嶽五時奠甘泉整蹕游九闕清簫開八
埏鎗鎗玉鑾動溶溶金障宋作旋均宮光已屬注音
升柴禮既虔福響雲之集南嶽固斯年

鈞天曲

高宴顙天臺置酒迎風觀笙鏞禮百神鍾石動雲
漢瑤池寶瑟驚綺席舞衣散紫鳳來參差予鶴至
凌亂已慶明庭樂誰想南風彈

右三曲頌帝功

入朝曲

江南佳麗地金陵帝王州逶迤帶淥水迢遞起朱
樓飛輦夾馳道垂楊蔭御溝凝笳翼高蓋疊鼓送
華輶獻納雲臺表功名良可收

出藩曲

雲枝紫微內分組承明阿飛鯉遡極浦旌節去關
河眇眇蒼山色沈沈寒水波鏡音巴淪曲蕭鼓盛
唐歌夫君邁惟德江漢仰清和

校獵曲

凝霜冬十月殺盛涼飈開原澤曠千里騰騎紛往
來平置望煙合烈火從風迴殪獸華容浦張樂荆

山臺虞人昔有喻明哲時戒哉

右三曲頌藩德

從戎曲

選旅辭輶轅弭節趨河源日起霜戈照風迴連旗
翻紅塵朝夜合黃沙萬里昏嘹唳清笳轉蕭條邊
馬煩自勉輟耕願征役去何言

送遠曲

北梁辭歡宴南浦送佳人方衢控龍馬平路聘朱
輪瑤筵妙舞絕桂席羽觴陳白雲邛陵遠山川時
未因一爲清吹激潺湲傷別巾

登山曲

天明開秀嶽瀾光媚碧堤風盪翻鸞亂雲行芳樹
低暮春春服美游駕凌丹梯升嶠既小魯登巒且
悵齊王孫尚遊衍蕙草芳萋萋

泛水曲

王露沾翠葉金風鳴素枝龍遊平樂苑泛鷁昆明
池旌旗散容裔蕭管賦作吹參差日晚厭遵渚採
菱贈清漪百年如流水寸心寧共知

右四曲

同沈右率諸公賦鼓吹曲名先成爲次

芳樹

發萼九華嶺開附露寒側氛氲非一香參差多異
色宿昔寒飈舉摧殘不可識霜雪交橫至對之長
嘆息

當對酒

對酒心自足故人來共持方悅羅衿解誰念髮成

范通直